

德平縣志

卷

12443

1244

12443

140.157

35

33

1244

德平縣志卷之七

人物志

人材盛衰實關氣運家握隋卞之珍人際風雲之會文章
華國尚已他如行乎與論誼篤天經樹卓軌於當年垂景
耀於來禩卽編氓片善巾幗寸心皆足砥中流而維翊運
令人穆然動仰止之思焉作人物志

前哲

漢

高詡字季回曾祖嘉以詩授元帝仕上谷太守父容光祿大夫
世傳魯詩以信行清操知名王莽之亂稱盲不仕光武初以

德平縣志

卷七

人物

一

宋宏薦徵為郎除符離長歷博士建武中拜大司農在朝以
方正稱本賜錢及冢田祀鄉賢

陶邛洪字子休清遠博辨文冠當代舉孝廉不就辟太尉府掾
會河東太守史弼以忤宦官受誣當棄市陶命孝廉魏邵周
旋其間得不死人有遺議洪曰文王囚羑里閔散懷金史君
遭患義夫獻寶自古有之議乃息年僅三十卒

按通志作平原人今從青

州先賢傳增人

彌衡字正平少有才辯而氣尚剛傲建安初遊許都懷刺漫滅
無所適所善惟楊修及孔融衡始弱冠而融與為忘形交上
疏薦其才曹操欲見之不肯往操怒召為鼓吏奏漁陽摻擗

音節悲壯聞者感慨銜屢辱操操欲殺之以其才名送之劉表表不能容送之江夏太守黃祖以爲記室文疏密合體祖歎曰如祖腹中所欲言也長子射大會賓客請賦鸚鵡銜援筆立就一座驚歎卒以侮慢爲祖所害時年二十六祀鄉賢南北朝

明僧暲晉倫事中畧之子也博學善應對孝武見之逆誦其名人以爲榮大明中兩使元魏時新誅司空劉誕孝武詰曰若問廣陵事何以答之曰周之管蔡漢之淮南帝悅累官青州刺史

明僧紹字休烈少有儒術隱居楞山屢徵不就嘗隨弟慶符之

德平縣志

卷七

人物

二

壽州欣玩水石而不一入州城齊高帝聞其賢欲召用之僧紹曰耻周粟而食周薇恐不能息談也乃賜以竹如意笥籜冠褒美之永明中辟爲國子博士仍不就祀鄉賢

明山賓字孝若僧紹子也七歲能言名理十三博通經籍居喪哀毀骨立兄元琳高隱不仕仲璋痼疾家道屢空山賓乃行干祿初爲廣陽令頃之去官應五經博士選天監中出爲北兗州刺史東宮新置學士又以山賓爲之初在州平陸縣不稔啓出倉米以賑百姓刺史以耗國籍其宅入官山賓不自理更市地造宅兼國子祭酒諸生愛之嘗嘗所乘牛旣受值乃謂買主曰此牛經患漏蹄療差已久恐後脫發無容不相

語賈主遽追收錢處士阮孝緒聞之嘆曰此言足使還淳反
和激薄停澆矣卒年八十五贈侍中謚曰質子所著吉禮儀
注二百二十四卷禮儀二十卷孝經喪服義十五卷行世

明克讓字宏道山賓子善談論博涉書史三禮論語尤所精研
龜策歷象咸得其妙年十四爲湘東王法曹叅軍由梁入周
歷漢東南陳二郡太守復徵爲露門學士武帝令與太史官
屬正定新歷拜儀同三司賜爵歷城縣伯隋文帝受禪進爵
爲侯轉率更令太子以師道處之詔與太常牛宏修禮議樂
當朝典故多所裁正開皇中加散騎常侍卒年七十文集二
十卷孝經義疏古今代記續名僧記各若干卷行世子餘慶
德平縣志

卷七

人物

三

爲越王侗國子祭酒

唐

趙寵字廷貴齊重平令恢之孫也性謹飭非禮不入隋運告終
僭亂蠶起寵未嘗足履僞庭唐興徵爲恒濟二州刺史有誌
銘永徽三年壽百有六歲祀鄉賢

而說汝州梁人寄籍平昌孟子三十一代孫明經瞿之子高宗
朝擢進士第授長樂尉遷鳳閣舍人他日至劉禕家見賜金
曰藥金也燒之火有五色氣果驗武后不悅出爲台州司馬
累遷春官侍郎相王聞其名召爲侍讀拜同州刺史神龍初
致仕居伊陽山治方藥嘗語人曰養性者善言不可離口善

藥不可離手睿宗召之以老辭詔給羊酒糜粥河南尹畢構以洗有古人風名所居爲子平里開元初卒年九十三所著有食料本草傳於世

宦績

元魏

劉叔宗字元纂謙和有學業幼舉秀才官鎮遠將軍諫議大夫高昂起兵叔宗與兄海寶附之中興初除前將軍廷尉少卿天平中累遷車騎將軍左光祿大夫海寶豪俠自負嘗率鄉閭襲破滄州以應昂昂以海寶權行滄州事爲爾朱黨范陽太守刁整所殺

德平縣志

卷七

人物

四

東方老身長七尺膂力過人從高昂起兵累軍功官魯陽宜陽太守二郡境接羣蠻老攻城野戰西人憚之顯祖受禪遷南兖州刺史封陽平縣伯天保中與蕭軌等渡江戰沒

唐

孟簡字幾道詵之曾孫工詩尚義氣舉進士宏詞官倉部員外以不附王叔文徙他曹元和中拜諫議大夫剛直敢言出爲常州刺史導孟瀆河溉田四千頃進戶部侍郎加御史中丞代崔羣相被劾貶吉州司馬復爲常州刺史

宋

張雍開寶十六年進士釋褐爲東關尉遷開封府推官坐寬獄

免太平興國中召爲西川轉運使擢知梓州值青城賊王小波等作亂逼攻州城雍募勇共治戎器率衆固守賊急攻西北隅雍詔軍士曰吾將開東門擊賊陽遣騎五百臨東門賊升牛頭山瞰城內信然伏精兵萬餘於山之東隅以待雍召敢死士百輩縋而下焚其攻具自午達申殆盡賊以爲神相拒八十餘日會援兵至賊始潰去以功遷兵部侍郎出知鄧州祥符元年加尚書右丞卒年七十

劉禹字希儉年二十舉明法科進士及第授德榮主簿遷永州軍事推官以平武崗賊擢知北海樂壽縣樂壽與南皮接壤均破水患部使者將使繕堤障之慮其利南皮而害樂壽民

德平縣志 卷七 人物

或不願南皮令因以私書誘樂壽宦家子以願狀上使者使者下樂壽詢之禹會民於堤得南皮令私書曰彼亦欲利民第謀之不臧耳焚之卽以願者寡不願者衆報使者卒已其事通判汾州恩加朝奉郎以董治河堤邁疾卒于官喪過汾市民泣送之

元

萬緡初名識篤兒朔方兀魯氏族統軍察罕之子德平其封邑也嘗出錢萬緡供國用因賜今名白哲魁梧神宇秀偉辯慧尚氣節始授監察御史累官山東東西道淮西肅政廉訪使祀鄉賢

宋和元初爲滋博鎮副都統遷德州行省參政出則總戎有先登陷陣之功入則治郡有仁民愛物之實如是廿餘年未嘗晏咎戮一人子佐襲爵行軍千戶至元中攻降袁潭二州拜懷遠大將軍袁州路總管

明

藺琦字廷璽成化甲午舉人辛丑進士授兵科給事中遷都給事條陳時務多所裨益擢順天府丞陞府尹聲播朝野卒賜祭葬祀順天名宦

呂佑字子啓成化癸卯舉人宏治癸丑進士戶部山西司主事權河西務關稅剔弊恤商人皆稱之

德本縣志

卷七

人物

六

劉璿字東玉歲貢知山西興縣嚴明執法吏民畏服祀興縣名宦

葛守禮字與立一字與川嘉靖戊子解元明年成進士授彰德推官避寬獄決疑案遷兵部主事改禮部落郎謀繼絕封豎持不予會以疾在告藩重賂部司得請旗校詢其事籍諸受賂者十餘萬獨無守禮名帝由是知其廉正授河南提學副使進山西臬藩兩司擢右副都御史巡撫河南總督宣大入爲戶部侍郎改吏部遷南京禮部尚書以忤嚴嵩歸隆慶元年起戶部尚書奏言畿輔河南北山東西流移日衆有司徵派不均土地磽瘠重以徭役工匠而富商大賈皆以無田免

役乞正田賦罷科差又國初徵糧戶部定倉庫名目石數
值分派小民隨倉上納完欠易稽近定一條鞭法計畝徵銀
不論倉口石數奸書增減灑派收者不解坐獲餘積解者不
收賄補維艱請敕所司詔悉舉行又以戶部專理財賦必周
知盈虛乃可節縮調劑請遣御史分行查考時命譚啓等畫
其事承敕以行恩賞邊軍或言宜汰虛日守禮謂此朝廷曠
典乃以賈怨耶高拱與徐階不相能舉朝攻拱守禮不可尋
乞養母歸起爲刑部尚書萬歷初改左都御史奏畿內地勢
窪下河道淤塞過濼爲壑請倣古井田制濬治溝洫使旱潦
有備又申明巡撫事宜條列官箴士節六事皆嘉納之守禮

熱誠治體嚴氣正性獨立不阿爲中外所推重萬歷三年以
老乞休詔加太子少保馳驛歸六年奉贈太子太保謚端肅
賜祭葬崇祀專祠

劉本元字性夫嘉靖戊子舉於鄉通判延安改松江詞河間所
至以廉介稱其任松江也值倭警督戰於蓮碧花橋幾血賊
刃吳中士大夫義之子顯科請生有文行學者尊爲進溪先
生

蔣斯宇幼明又字龍池引生子守禮孫以廕補國子生授中軍
都督府都事歷太僕寺丞戶部員外遷工部都水屯田郎中
監修壽陵請罷助工之令又疏減葺廩及紅羅大炭權商寶

司知加正四品服俸晰天才敏練恪其職專所至有於
至麟趾字明府性敏慧讀書一過不忘萬歷己卯舉於鄉
成進士歷知涑水內黃河內縣事授南京浙江道監察御史
遇事抗論不避權貴謫徐溝縣丞遷洧川縣擢戶部主事兩
畿晉鄧之間多稱其直節

葛如麟字子仁昕子萬歷癸卯舉人庚戌進士知山西臨晉縣
調榆次德威並濟擢戶部主事督崇文門稅夙弊一清累遷
湖廣布政司叅議改備其潼關澄城民變單騎詣縣擒其渠
魁謀之不興大獄晉陝西按察使備其如故主帥戰死擬戍
尋覈捷級狀復官歸里本朝順治七年卒里謚貞靜先生

卷七 人物

云

朱長泰字大來又字謙茹舉順治元年鄉試丙戌捷禮闈丁亥
成進士知江南含山縣時號清官第一賊不敢犯有汪生者
懷金宿邸舍比明盡藏石生持訴長泰審視其中有敝屣成
斷處斬然明日携之出口暮夜失金誰則知者請叩諸司戶
之神走吏至邸舍盡毀諸扉列庭下察其無屬成者出所携
按之而斷處悉合主人憐服吐金自是聲名四馳以卓異薦
擢戶部雲南司主事權河西務稅缺頃滿補書才二十不
其廉潔如此自號嚴水究心典籍尤邃於易和經書
所著有周易致一六書圖發精深識者謂堪與漢洛八

有帝王年編四卷主敬齋稿步天歌修真節要奇方集之各一卷藏於家

朱世官字德似一字思誠康熙庚子副貢雍正元年舉順天鄉試丁未取明通授沂水教諭改曹縣以卓異擢知四川富順縣時江南饑令協米數萬石蜀中有穀無米世官建議按臨江州邑派穀限春戶沿江完兌而令各江口預備船隻不十日達金陵其蒞政敏達皆類此民立石以頌

賢能

宋

王英不知何許人家世無考黃山谷撰劉禹墓誌云德平王英

德平縣志

卷七

人物

九

狀君行事如此英言行有物可信故紀之

明

李場字勉之永樂乙酉舉於鄉丙戌成進士授監察御史巡按廣西聲譽昭著尤工詩所至皆有題詠祀鄉賢

吳達字希賢永樂庚子舉於鄉授萬全都司斷事改大寧遷南京刑部浙江司郎中擢知衡州府廉明寬恕郡民感戴致仕家居多厚德祀鄉賢

呂韶字九戎性孝友好施予母死廬墓三年宗黨中爭喪或不給輒飲助不計其償以子佑貴贈戶部主事祀忠義

吳潤字公澤達孫汝敏悟讀書過目成誦天順壬午借弟濶

於鄉成化丙戌成進士官戶部雲南司員外敦尚素節如
寒士卒於官

吳濤字公濟成化壬辰進士通五經性理之學未授官卒

于安義官也成化中為馬河決行旅往來苦之安傾貲建石梁
人稱方便祀忠義祠

韓文歲貢以人材薦授戶部廣東司主事持身端正望之儼然
祀鄉賢

孟讓以例監知直隸灤縣事廉明清介民不失望祀鄉賢

齊鳳歲貢知直隸任邳縣清慎有循良風卒於官

時信歲貢以楷書薦知山西蔚州多惠政有守備某恃勢滋害

德平縣志 卷七 人物

信繩以法為所中罷任

靳彥成化丙午舉人知陝西中部縣治稱最其居家亦理祀鄉
賢

郭蟻宏治己酉舉人知直隸遵化縣有守有為不阿權戚擢太
僕寺丞祀鄉賢

張宗仁歲貢文學淹通精於春秋屢試不第自號浩然道人

葛智字公達歲貢性孝友博覽羣書為邑名儒官鳳陽右衛丞
歷以孫守禮貴累贈左都御史

齊平字清齋歲貢河南內鄉訓導淳古澹泊諸生饒問部不文
年八十喪明後三年忽夜覺微痛遂復明與異之以為清德

之報年逾百歲恭謹不怠

王廷輔字大任善騎射正德中流寇猖獗廷輔倡義糾眾以備戰守賊首楊虎錢鸞突至城下廷輔與邑人宋珪力却之踰歲復掠西境縣丞王楷令廷輔等率眾追擊兵潰奔走廷輔謂珪曰官民仗我兩人耳今走是無官民也奮勇殺賊刃缺而死縣令以聞諭葬其墓時 宋珪字廷玉與廷輔併力御之馬蹶矢盡而死兩人均祀忠義祠

劉溫字德厚諸生天性忼爽讀書能窮奧義數慳不舉絕義進取隱居教授從遊甚眾或成名輒戒之曰爾慎勿矜劉德厚之徒爲他人覓破綻其操行清介類如此子本元舉人

德平縣志

卷七

人物

十

朱俊字子位諸生事繼母至孝備極艱苦能得其歡心急者周之無少吝年七十餘卒里中謚孝惠先生

葛環字佩玉一字林塘少治賈嘗糴麥得主人藏金某醉逸金環悉返之子守禮發解有司籍鄉人之在官者以五百金爲餽環命却之卒成大名累贈左都御史祀忠義祠

郭諄字遜言魁偉剛毅寡言笑嘗借僕入市得醉者錢亟令還之曰彼以醉悞而我醒者庸可欺耶會寇亂繕城郭艱於致土諄以宅後地八畝資其取用縣令義之推爲鄉飲賓享壽八十有六祀忠義祠

黃達父沒哀毀廬墓三年 郭四科養親以孝聞 劉從堯親

沒廬墓 王宗仁母沒廬墓並祠祀

郭謙字信夫諸生負奇氣工六書兼善丹青嘉靖中選文武英
殿中書舍人自號般濟子有草韻辨體楷書千文四體千文
草訣百韻同聲歌集古千文名賢法書各卷行世子文郁能
傳其業由中書遷光祿署丞

郭文顯字德純一字古川嘉靖中詔選拔諸生貢入太學文顯
首膺是選由商城丞擢虞城縣時寇盜出沒立約束繕城隍
節煩費懲奸悍號稱大治遷松江府通判以母老歸祖遺田
宅盡讓於弟文獻又念弟郊居於城別構一第兄弟怡怡無
間言子鏗由選貢知陝西山陽縣明作有為家居善獎誘後

德平縣志 卷七 人物

進

葛引生字長伯號東山守禮之子邑廩生聞見賅博未第而卒
著有家禮摘要東山餘墨東山論草各集子尚寶卿所著有
校刻孝經郎中疏草集玉山房集古法書各卷行世孫進
如麟著帝王歌祀典管見丁丑吟小兒語痘疹書行世又有
篤惠堂稿十卷拙宦自狀六卷藏於家

葛曦字仲明又字鳳池沂弟萬歷丙子解元癸未進士授翰林
院檢討學問淹雅留心經濟所考核歷象河渠共制馬政一
一可見諸實用已丑分校禮闈得人最盛官起居注南京國
子監司業卒年四十八有文集五卷行世未竟厥施時人情

之

季東魯字國望一字岱石萬歷壬午舉人癸未進士授共部主事出知襄陽杭州二府擢陝西按察司副使涖政仁明遠近懷之

周行劉本元義子也本元判松江禦倭落水中行力救終夜不離得脫於難後以疾沒劉詣墓哭祭之祀忠義祠

朱繡字國章諸生慕義分地悉讓弟姪嘗得劉氏遺金舉以還之無德色祀忠義祠

李生華字子誠少負義氣嘗於冬月嫁女入城貸錢三貫塗逢丐者凍餓將斃舉以錢授之崇禎辛未登郡共亂圍城生華

德平縣志

卷七

人物

十三

縋城說賊令賊解圍詞氣慷慨適西市民首擊賊魁墜隍內呼噪而散城以幸免卒未嘗加害於生華後與其子諸生宦同死於戊寅之難祀忠義祠

閻士騏登州共變奮勇拒敵被刃死 傅守分與士騏同拒戰為流矢所中死於陣下

孟思聰 金鼎鉉 張平南皆諸生也崇禎戊寅共亂思聰鼎鉉被執不屈死叱使平南從之行大罵死於野邑人至今稱之

朱文印字漪霞貢生時顯之子戊寅之難不屈死於寧津郊外金印文印弟也皆諸生抗詈至蘭家莊被刃死村人蘭份收

尸寄廟中踰年始殮面色如生見者無不泣下

以上七人並祀忠義祠

國朝

劉允德字孟采號默齋舉順治乙酉明年丙戌進士知直隸鹽山縣持重有守造就後學循循雅飭爲士族之望著有默齋雜俎二卷藏於家

葛元祉字受之如麟子順治元年拔貢知江西進賢縣旋去任豪邁尚義流寓粵東有潮人婦爲亂共掠去捐金贖之訪伯兄故太守元禎旅櫬於潯州萬里扶歸殯於祖域人以爲難曾宗孔字璧山葛如麟廝養卒也有才辨明季入京師爲錦衣衛鎮撫奉使議和歸 本朝授臨清總共官宗孔率軍旅還

德平縣志

卷七

人物

十四

鄉過葛門屏儀從入謁盡禮去時服其識量

高朝選字薦莪順治丙戌歲貢嗜古博覽藏書甚富授單縣訓導未任卒

邢化鵬順治五年土寇掠城拒守被創死祀忠義祠

朱時顯字宗晦一字文泉順治戊子歲貢歷棲霞訓導掖縣教諭安東衛教授所至以講學課士爲務學者宗之楷法得歐陽率更之神年登太室泰嶽不踰其素友人題其堂曰恭壽著有春秋集說四卷藏於家

宋國祚字修齡不求聞達好爲詩林壑所得舉以形之吟咏其九月八日南遊詩有曰 悲羞班定遠灌園猶笑蔡中郎亂

世有孝徒因壁死軀無恙臥三鄉有西郊老農聞誌三卷藏於家

馬廷佐母病危篤默禱割股和藥以進病遂愈知縣沈志遠以聞表之雖不合於典常既蒙旌表故備志之

家通志

李之芬字馨之鄉飲正賓時知縣馬汝驥舉鄉飲禮邑人士薦呈有云綿德澤者祖父三世遊膠庠者子孫七人允無愧於嘉賓實有光於盛典禮畢馬匾其門曰望隆鄉

郭晉光字旭升廩生博學尤善填詞著有玉韞齋集多可觀者子雲馭庠生亦博洽著有聞見書鈔四卷眉士餘筆二卷藏于家

德平縣志

卷七

人物

七

李國南字鵬九一字六息康熙壬子拔貢辛酉舉順天鄉試任荊州學正爲文工駢儷所著息園稿有徐庾之一體

朱履慶字其旋長秦子廩生博覽羣籍恐邑之文獻久而無徵也輯彙畧前後共二十卷藏於家蒐羅極廣有功來者其詩賦妙絕一時學者稱爲元上先生

郝璘字兆璜康熙甲午歲貢事母以孝聞辛酉省闈已高選對置乙榜未獲准貢年八十餘猶力學應試

吳偉字偉人諸生性豁達好讀書進因有司無愠色老病嘯歌不廢嘗自書曰富貴功名不可俸選吾有黔婁之貧不失顏子之樂身膺衛叔之病心無榮辱之愁時以爲賢

李根字仙蟠康熙庚子副貢雍正己酉舉順天鄉試天才逸
詩文宗尚漢唐一時名士相推重以攻苦致疾卒有方村筆
談藏於家

宋之旺字洪字家極貧歲暮拾遺金不取時稱義民

郭慧人字聖一乾隆戊午歲貢器宇深沈任武城訓導有泰山
巖濼氣象見者莫不生敬

朱傳字唯一又字聖紹乾隆庚午舉人壬申進士好學能文取
其從祖履慶文獻彙畧續編成帙未授官卒士林惜之

張洪昌西關廂人家貧硬直自守族有事陳食不命出然後再
邀不赴曾委監修城隍廟工不手公中一支陳學師修明倫

德平縣志

卷七

人物

六

學延之監工每歲二丁必致胙卒後十餘年有博興人來邑
賣稿者云其邑道士夢城隍新任係德平張公洪昌城西關
廂人其子孫聞之欲往不果

張朴字茂生號淳甫性穎敏弱冠補弟子員雅意好學留心經
史攻苦無間寒暑教子弟亦如之列房庫者多人著有經史
摘要藏於家

王世祿本姓張贅王氏慷慨好義嘗見負債者跪豪門奄奄待
斃世祿代償得免問名不以告胞兄遂苦家破自外來與
之宅地俾得所曾孫丕顯廩生元孫安以庠生

孫應麒字印泉諸生澹泊明志不慕榮利於經史典禮多所考

元著有慎終編文廟通祀考藏方家

朱紱歲貢生慎交遊疎財利常入市拾三十金招人對認旣符
卽付之事聞李侯以品端儒行旌之子其夏亦歲貢善丹青
工山水表邑侯贈詩云不是筆端窺造化敢將淡墨寫青山
張名葵字上白以附生授州同好善樂施湖廣黃承祖以八口
見托免許安堵之遇歲饑稱貸以給嘗戒子弟曰爲人切不可見微利輒動心也

鄭習孔字宗聖捕盜被拒受傷首從俱獲不諱習孔懇免按律
邑侯義之薄治盜罪以一鄉善士額其堂嗣裔咸寧楚玉象
玉璫玉皆樹幟文壇成名者十一人

德平縣志

卷七

人物

十七

郭材字書升庠生事親孝四十無子嘗拾遺金招主認確付給
不受謝夫妻俱年四十五舉子世英邑增生

關銳字退菴監生樂施不及兄醇風雅不及弟總均能識大體
睦族黨凡邑有大事首先倡捐其貲皆夥產兄弟無間言至
有爲選拔分發者先後助數百金從不言償士林重之

張洪珏字廷佩歲貢持身嚴謹文行兼優教子學文等俱貢成
均子孫遊庠者六人晚任聊城訓導六年壽終八十有一

趙林一百有五歲奉勅坊
厚謹慎三受恩錫優養人至今稱之

朱蕙監生字友三八十二歲持身嚴謹義樂施子孫曾元成

名者十七人蓋忠厚之報也

王應祥監生九十六歲二子皆成名 于士廉增生八十七歲

子希舜廩生 劉志剛九十六歲子世珍庠生 劉永智八

十四歲子監孫庠 王德讓九十四歲俱受 恩錫優養

蘭芝監生八十 郭景思庠生八十五 孫憲庠生八十三俱

工筆墨 曹卿八十七並為邑之望

郭景朱字述文諸生質直好義小林家莊有欠債無力償納欲

鬻幼女者景朱廉知之為代償焚其券邑修城及文廟官署

景朱邀蘭秀三等奉土督工不惜勞苦其生平大率類此

趙義政子孫曾元五世同堂食指數百惟務耕讀卒年八十有

德平縣志

卷七

人物

六

五 范顯功五代同堂現年九十耳目聰明飲食如常人瑞也

徐士開仗義樂施常濟人之急好行其德子孫皆遊庠

朱淮字又韓監生年八十四子孫皆文武生監 朱博增生八

十一 朱恪八十四 朱繩耄九十 朱洪開八十六 劉

永清武生九十三 郭有恒九十 曹梓九十三 劉永義

九十一 孫雍八十三乾隆五十五年均受 恩錫優養現

俱健飯起居步履如壯歲亦邑之瑞人也

胡克昌子庭桂父子俱善丹青尤工畫竹邑人以老胡竹少胡

竹稱之

吳昇字美斯武生好文工儒畫山水花卉人物濃淡得宜筆力遒勁各臻其妙頗有趙松雪遺意

列女

元魏

劉氏左光祿大夫叔宗之姊梓潼太守苟金龍妻也正始中梁人攻梓潼會金龍臥病劉率郡人拒戰前後百餘日卒以保全戍副高景謀逆劉殺之時外城已陷內城絕水劉携眾拜禱澍雨隨降因懸布帛絞水儲之眾得不死冬刺史傅豎眼至梁共始解去事聞宣武嘉歎正光中封其子慶珍爲平昌縣子又得二子出身

德平縣志

卷七

人物

九

明

王氏進士吳溥妻溥早世遺孤在抱王年二十六自誓守節孀姑盡孝養深居教子他人罕見其面巡按以聞旌其門

信氏郭明妻十八夫亡無子或勸之嫁勸曰翁姑暮年忍棄之耶日夕紡績供衣食翁姑卒營棺殮禮葬時稱信氏真節孝
朱氏紀壽妻二十一夫亡守節子綸甫三歲撫養成立以歲貢仕應天府照磨卒年七十有七

殷氏劉恕妻十九恕亡遺子甫及歲父兄憐其少不敢強其守節殷誓死不二事姑極孝當道旌其門口劉節婦殷氏之家
劉氏黃臣妻繼母李無子撫之如已出臣早世劉年二十三誓

撫孤與姑共守李先亡事聞得旌劉後三十年而李復以姑
媳雙節聞爲建坊曰貞節

李氏勸佐妻怡疾篤與李訣曰予命在旦夕三子尚幼能守乎
李自謂與其後夫而死以取婦不若先夫而死以示信遂自
縊後三子俱成立河間主簿名天助考其長子也

田氏孟廷俸繼室二十二夫亡守志事姑以孝撫前妻子以慈
卒延孟宗

曹氏王某妻夫爲逆弟所殺曹年二十六無出以節自守與親
族處女爲侶紡績終歲有八十餘知縣趙錫旌之

安氏于漢妻十七夫亡守節歷五十餘年

德平縣志

卷七

人物

二十

張氏劉大壯妻十九夫亡食貧紡績以養舅姑守節四十餘年
蕪氏時覲妻十七夫亡無出貧而守節奉翁姑勤力盡養以終
其身

王氏齊第妻十九夫亡無子女甘心苦節朝夕織作以自給壽
八十餘

崔氏葛守讓繼室二十二夫亡獨居家廟之右守節五十八年
卒八十一 葛守易繼室王氏亦以節稱女適劉繼慈十九
夫故無子遺產皆讓於弟寢處樞次晚依母王以終其節

竇氏葛引生側室二十餘歲守節歷四十年子皓陳情請旌建
坊曰大節昭回

國朝

劉氏季守業妻二十三夫亡遺一幼子守貧茹苦二十餘年教子東魯成進士仕至按察副使封太恭人勤儉終始不渝關氏葛如夔妻夫亡守志善撫嗣子以壽終

李氏于邦助妻夫亡守志樹貞節坊以上並人節孝祠

陳氏舉人王日為妻王早卒撫二子俱成立順治六年寇入其

家索財物無以應脅之以刃罵不絕口遂遇害祀節孝祠

許氏羅基妻葛氏羅坊妻基坊昆弟也相繼沒並守志詩庭入祠建有雙節坊表其門

馬氏李永倫妻二十五夫亡守孤子又卒遺孫根撫養舉於鄉

德平縣志 卷七 人物

壽八十當道以柏操松年獎之祀節孝

徐氏宋玉福妻 郭氏張廷贊妻 汪氏王汝霖妻有節

管坊 鄭氏朱雲驥妻並夫亡守節以年例符請

朱氏秦士棟妻生一女逾歲其亂秦被掠朱年十九誓以死守撫女長適于晉泮已而晉泮卒無子秦氏乃依母苦守母歿

晚節更勵

郭氏適徐燦未幾夫為亂共所掠遺腹生子矢死靡他年七十

餘卒

王氏李安妻二十夫亡撫子清猷媳郭氏亦二十夫亡撫子國士孫媳于氏年二十夫又亡並守節不渝里人稱為三世貞

節

李氏郭某妻年十八夫亡哀慟幾失明越六十一歲忍節
朗人謂苦節所感

于氏鄭文成妻十七夫亡 趙氏吳訥妻二十夫亡並守節五
十餘年

黃氏鄭适妻十七夫亡撫嗣子守節歷七十年

劉氏名春儀孝廉李圖南繼室父嘉隆虞城令濱州人劉生員
夙慧讀書曉大義通水墨花卉有逸致兼工文詞其白燕詩
云素影輕盈轉綠楊蒼苔點破啄泥香因憐春色翻霓曲爲
剪梨花舞雪裳斜拂珠簾棗棟深藏金屋語雕梁昭陽殿

德平縣志

卷七

人物

三

裡羞爭寵獨避羊車學淡粧月夜賞雪詩云玉宇霞收月色
晴淺斟綠醕醉飛瓊遙天月影穿雲淡遠谷風聲入幕輕談
時欲盡良宵賞香篆霏烟燼未成著有翻雪編菊窻吟稿若
干卷藏於家

王氏劉可順妻壽百有六歲乾隆三十一年 賜金及緞旌曰
貞壽之門生三子長旺卒年九十次德今九十一歲三貴今
亦八十九俱 賜牌褂一門壽考不多觀也

董氏庠生郭信人妻相夫教子勤理家政雅好儒凡文士至尤
加敬有截髮風無非無儀於松操筠節外並光女史

劉氏張瑄妻二十三夫亡守節孝翁姑和妯娌教子正原成立

卒年七十八

孟氏時通妻十八夫亡繼姪茂訓承祧已娶妻亦亡與媳常氏紡織度日備極艱苦五十餘年金秀文言於庠師給雙節匾蔣氏張大才妻二十夫亡撫三歲子光祿成立事姑盡孝孫逢源附貢卒年六十有八

王氏盛忠繼室十八歸月餘夫亡矢志苦守教子世弼孫懷遠俱成名今六十八歲

馬氏閻燻妻二十五夫亡撫訓嗣子常留廩生孫震庠生命嗣本生祖次孫雯庠生年八十餘卒未請旌

郭氏王芹妻二十四夫亡黃氏李克讓妻二十一夫亡皆繼

德平縣志

卷七

人物

三

嗣承祧撫訓成立郭七十九黃六十五俱無病而終

孟氏閻綸妻二十六夫亡子大成方六歲苦志撫育綸亦六歲孤母王氏今大成有六子矣

張氏蘭可化妻二十五夫亡幾不欲生以姑老子幼代夫事親教子矢志三十八年今六十三歲

徐氏劉丕顯妻二十七夫亡子士偉方七齡撫養成立入泮現年六十歲

張氏有亮之女也乾隆五十一年又七月與嫂周氏往坡拔草適周氏於他處拔苜蓿有強犯見張少艾欲污之張不從遂

文晉元口孫溫頴驗係處子審實正法詳請旌表奉

勅建坊入祠給銀三十兩

趙氏杜光敏妻十八于歸年二十甲寅夫亾恒闇泣或勸之改
適愈泣乙卯正月初六自經從夫于地下

